

月紀云、造遣唐使船四隻於安藝國、皆此按、和名抄、安藝國沼田郡安藝郡並有船木鄉、蓋以其地產
船材、例造諸此歟、

〔續日本紀^{二十三}〕天平寶字五年十月辛酉、遣從五位上上毛野公廣濱、外從五位下廣田連小床六位
已下官六人、造遣唐使船四隻於安藝國、

〔續日本紀^{三十一}〕寶龜二年十一月癸未朔、遣使造入唐使船四艘於安藝國、

〔續日本紀^{三十三}〕寶龜六年六月辛巳、以正四位下佐伯宿禰今毛人、爲遣唐大使、○中造使船四隻於
安藝國、

〔續日本紀^{三十四}〕寶龜七年七月己亥、令安房上總下總常陸四國造船五十隻、置陸奧國以備不虞、

〔續日本紀^{三十五}〕寶龜九年十一月庚申、造船二艘於安藝國、爲送唐客也、

〔享祿本類聚三代格^{十八}〕太政官符、○中

一應修理船事

右檢案內承前使○遣外等故壞已船、寄言風波還却之日、常要完船、修造之費、非無前轍、宜修理損
船、宛如舊樣、莫致公費、早速修理、不得延怠、○中

以前中納言兼左近衛大將從三位行民部卿清原真人夏野宣、如右、

天長五年正月二日

〔續日本後紀^三〕承和元年二月癸未、是日任造船使、以正五位下丹墀真人貞成爲長官、主稅助外從
五位下朝原宿禰島主爲次官、五月癸亥、以遣唐大使參議從四位上藤原朝臣常嗣爲兼備中權守、
右大辨如故、大工外從五位下三島公島繼爲造船次官、遣唐使判官錄事、及知乘船事等兼外任者九
人、八月壬午、以右中辨正五位下伴宿禰氏上爲造船使長官、戊子、任遣唐錄事、准錄事、知乘船事
各一人、以外從五位下三島公島繼爲造船都匠、